

PLOANIES SAN MARTIN Y LUNGIARÜ

Can ch'i vá te nosta dljia...

... ciafi la plaza dant desaparada, la porta daverta, la dljia scialdada y bela nêta, infornida sô cun ciüfs o simboi aladô dla festa tl cêrtl dl ann, les ciampanes chërda adalerch, la plata dla cöra dan man, la corona vëgn dita dant, siur Heinrich dij mëssa cun sü sorvidus, leturies y leturs lí la parora de Dî, l'orghe sona y al cianta le cor, chi che dëida partí fora la comuniun, incër alté dôt arjigné ca dal mëte man cina ala benedisciun. La cortina incëria rencurada y bela – la cherta da vijita de nosc paisc.

La funziun/mëssa me sá bela, ara me dëida inant, al é da sté saurí ... i me feji mi pinsiers y – de cör – me vëgnel da dí n gran dilan a dotes y a düc ...

SAN MARTIN

Aziun di Trëi Resc: En dedolönesc y dedemesaledema, ai 3 y ai 4 de jená, passará indô i Trëi Resc fora por les ciasas a incundé la buna noela de Nadé. An passará insciö fora por les fraziuns (al pó ester mudaziuns):

en dedolönesc, ai 03/01: Danmisdé: Ju, Picolin, Mirí, Alfur

Domisdé: Zona artejanala, Preroman, Pradel, Pespach, Bioch

en dedemesaled., ai 04/01: Danmisdé: Prousc-Tor, Restalt, S. Martin zënter

Domisdé: San Martin zënter

Les spënores di Trëi Resc vá te plü de 100 proieç de solidarité te dôt le monn. Chësc ann ti vëgnel dé la priorité ai proieç tla Tansania. Dilan de Osta oferta.

LUNGIARÜ

Aziun di Trëi Resc - Aiüt sot ala buna stëra:

Al é sté na particularité a Lungiarü, olache 4 ciantadus á fat i Trëi Resc y é jüs por bëgn 35 agn fora por les vijinanzas a incundé la buna noela.

I orun ti dí de cör dilan y sperun che te n per de agn podunse indô i odëi.

En chësc ann vá a Lungiarü trëi grups de mituns

en lönesc, ai 02/01, dales 9.00, inant da ciasa a ciasa

a periè do na spënöra de buna man por daidé d'atri mituns che ne stá nia dala pert de sorëdl. Les ofertes di Trëi Resc y de Santaguania vá a bëgn de passa 100 proieç finalisá a daidé i pici, en chësc ann dantadôt proieç tla Tansania.

Mercui, 04/01/23, a Lungiarü: dales 20.45 gnarán cun chentli da Frëina jö

Dôt le bun a chi che complësc i agn de jen

a San Martin

Zilia Pescollderungg Pedevilla che nen complësc 81 ai 9

Alfred Castlunger che nen complësc 80 ai 21

a Lungiarü

Anna Castlunger Clara che nen complësc 80 ai 3

Pire Castlunger che nen complësc 82 ai 7

Albina Irsara Mischi che nen complësc 85 ai 7

Albert Daverda che nen complësc 87 ai 13

Theresia Huber Daverda che nen complësc 84 ai 24



unitepastoral.org

Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

01.01 - 08.01.23 n. 06

ultimo termo por comunicaziuns: jöbia, dales 20.00

FESTA DLA UMA DE DÎ - NANÜ

Vangele do Lûca 2,16-21

Te chël tëm

é i famëis jüs debota a Bètlehem

y à ciafè Maria y Ujöp y le môt che ê ponü te cíanê.

Y canch' ai l' à odü, cuntâi cí ch' al ti ê gnü dit de chësc môt.

Y düc chi che l' aldî se fajô demorvëia dles parores di famëis.

Maria deperpo se tignî dotes chëstes

cosses y les meditâ te so cör.

Spo s' un é i famëis jüs derevers,

laldâ Idî y l' aprijâ por cí

#ch' ai â aldî y odü,

sciöch' al ti ê gnü dit.

Canche otedé ê passâ

y le môt dô gnî zircunzijé,

ti àn metü inom Gejù, l' inom,

che l' agno ti â dè dant cíamò

denant che le môt gniss tut sô

tl gremo de süa uma.



Maria s'astila dërt! Ara se salva y meditëia dotes chëstes cosses te so cör.

Ci fortüna da avëi dlaurela da lascé passé ciamò n iade fora por so cör dôt le bel ch' ara ne s'ess nia aspeté!

Tan gonot passi pa a val' d' ater, a ci ch' i m' á tut dant, minan da ne pordüje nia.

Maria se tol dlaurela por ci che é sozedü de misterius y de divin te süa vita.

Sc' al vëgn de ri momënc, póra n' approfite de ci ch' ara á vit y mantigní te so cör.

Insciö ói ince iö tl ann nü ti mëte averda a ci che sozed de divin te mia vita:

mantigní te me ci che pó me daidé y me dé forza te de ries situaziuns,

ponse a ci che é veramënter important

y crëie che Idî m' adora ince me por che êl pois ciafé na lerch te chësc monn.

da Image

EDEMA	SAN MARTIN	LUNGIARÜ	 I periun do l'intenziun dl Papa tl mëis de jená <i>I periun por düc chi che cooperëia tl'educaziun dla jënt jona, ch'ai sides testimoni credibli, ch'ai educhëies deplü ala fraternité co ala concurenza y ch'ai dëides dantadöt i mëndri y i plü debli.</i>  NANÜ - DE DLA PESC Da dotes les perts dla tera lê sö, oh Signur, le perié de tü credënc do la scincunda dla pesc y do la buna orenté da la porté te vigni ambiënt. Dëidesse, en chësc pröm de dl ann, da jí cun deplü dezijiun por le tru dla iustizia y dla pesc, meton man a ciasa, danter nos, y spo inant, danter dōta la jënt. Spirit Sant, operëia ti cōrs, rump sö ci che é stlüt y dūr y smorjelëia nosc cōr defrunt ala deblëza dl Pice Bambin. Dásse la forza dla bunté, chë forza fina dla verité y dl amur, ch'i adorun por arjunje la pesc. Amen. <i>Papa Francësch</i>
01.01.23 Domënia UMA DE DÎ - NANÜ <i>De Mondial dla Pesc</i>	9.30 Corona por vocaziuns 10.00 Gran Mëssa por la comunité en onur de Santa Maria, Uma de Dî Benediscion dl'ega santa, dl se y dl inzënc + + + siur Angel, siur Franz, siur Heinrich Videsott	7.50 Corona 8.15 Gran Mëssa en onur de Santa Maria, Uma de Dî Benediscion dl'ega santa, dl se y dl inzënc	
02.01.23 Basile, Gregöre Lönesc			
03.01.23 Dedolönesc <i>Inom de Gejú, Genofefa</i>	19.00 Mëssa + Ida Dariz + Hermann Burkia y + + Pescosta, Verda + + geniturs, lâs y nëini		
04.01.23 Dedemesaledema <i>Angela da Foligno, Angelica</i>		7.30 Mëssa + + Rita Zingerle y Giovani Clara por les püres Animes	
05.01.23 Jöbia <i>Milia, Emilie</i>	19.00 Mëssa prefestia vis y def. fam. Zingerle, Col + + siur Bertrand y Paula Vollmann + Linda Mühlmann		
06.01.23 SANTAGUANIA APARIZIUN DL SIGNUR <i>Casper, Marciun, Balzé</i>	9.00 Corona 9.30 Mëssa solënna por la comunité cun i Trëi Resc Oferta por les Misciuns (Aziun 3 Resc)	7.50 Corona 8.15 Mëssa solëna por la Comunité Oferta por les Misciuns (Aziun 3 Resc)	
07.01.23 Sabeda <i>Valentin dla Rezia, Raimund</i>	19.30 Mëssa prefestia (cun siur Klaus) + Sepl Sorà, Pespach (dl ann) + Erica Videsott (dl ann) + Giovanni Trebo, Tor (dl ann)	18.00 Mëssa prefestia (cun siur Klaus) + + Bino y Flavia Clara + + Sisto y Tî Clara	
08.01.23 Domënia BATO DE GEJÚ	9.00 Corona 9.30 Gran Mëssa por la comunité por families de Alfred Castlunger por benefaturs vis y defunc + Albert Conrater (dl ann)	7.50 Corona 8.15 Gran Mëssa por la Comunité	